

# Perbagaiakan usaha pupuk perpaduan Keluarga Malaysia

Oleh NUR HASMIRA MOHAMAD

**KUALA LUMPUR:** Presiden Gabungan Mahasiswa Islam Se-Malaysia (GAMIS), Mohd Izzuddin Aziz berkata, unti 18 tahun memberikan manfaat kepada ahli politik, parti-parti politik tertentu dan kerajaan akan datang.

Namun fokus utama untuk pembangunan sebuah masyarakat memingkatkan perpaduan khususnya untuk membentuk anak muda mencintai negara dan bangsa kurang diberi penekanan oleh orang politik.

Mohd Izzuddin mencadangkan dalam usaha memupuk perpaduan dalam kalangan generasi muda yang terdiri daripada pelbagai bangsa, kerajaan disarankan memperbanyakkan karya hiburan dengan mengadaptasikan sejarah negara ini.

Ujarnya, hiburan berunsur sejarah bukan sahaja mendedahkan kepada pengetahuan malah perlahan-lahan meresap unsur perpaduan supaya anak bangsa khususnya orang muda memupuk semangat cinta tanah air.

"Saya memetik kata-kata pengulas sebelum saya yang menyebut tentang masyarakat yang teras yang perlu menyelesaikan konflik (perpaduan) ini maka saya melihat adalah sejarah ini kita boleh memahaminya.

"Mungkin dari sudut pemahaman ahli-ahli akademik sahaja yang faham, namun bagaimana pula nasib masyarakat awam yang hendak memahami sejarah itu lebih mendalam?" ujarnya yang mencadangkan pemfilman sejarah negara sebagai usaha memahami masyarakat tentang sejarah negara.

Mohd Izzuddin berkata demikian dalam forum Sidang Meja Bulat UMMAH: Perpaduan Nasional Keluarga Malaysia, di Hotel Tenera Bangi dekat sini, pada Ahad.

Program berkenaan menghimpunkan ahli-ahli akademik, badan-badan pertubuhan bukan kerajaan (NGO), NGL, ketua-ketua persatuan agama dan sebagainya. Ia membincangkan topik perpaduan nasional dalam Keluarga Malaysia. Undangan khas secara atas talian dihadiri Menteri di Jabatan Perdana Menteri (Hal Ehwal Agama), Datuk Idris Ahmad.

Mohd Izzuddin memberi contoh karya pemfilman yang dihasilkan di Turki yang



Presiden GAMIS, Mohd Izzuddin Aziz



Rakam Siswa YADIM (RSY), Seow Han Lin



Nabih Presiden 2 GAMIS, Muhammad Rasydan Junuh

menceritakan pembentukan kerajaan Uthmaniyah secara tidak langsung mendidik generasi di Turki untuk memahami profil sejarah pembentukan negara mereka.

"Apa yang saya lihat di sini, di peringkat hubungan boleh diterapkan ataupun disitikan bagaimana pembinaan sejarah di peringkat anak muda ataupun di peringkat masyarakat keluarga dan sebagainya.

"Kalau kita lihat di Turki mereka sangat giat menjalankan film-film ataupun siri-siri yang menyentuh tentang kerajaan Uthmaniyah, bagaimana pembinaan awal Uthmaniyah sehinggalah ke hari ini yang mana ia memberikan satu fenomena yang besar bukan sahaja di Turki tetapi juga di negara yang berada di bawah jajahan Uthmaniyah dulu.

"Jadi, ini yang menjadikan negara kita (boleh) mengambil contoh seperti Turki, bagaimana mereka membiasakan masyarakat ini dengan hiburan yang memberikan manfaat iaitu dengan menanamkan sejarah dan nilai-nilai agama bangsa di dalam itu.

"Supaya mereka dapat membuka mata masyarakat agar mereka ada sifat rasa kasih sayang dan juga semangat perpaduan itu sendiri," ujar Mohd Izzuddin.

Melontarkan pendapat, Rakam Siswa YADIM (RSY), **Seow Han Lin** berkata isu perpaduan masih menjadi topik perbincangan meskipun negara sudah mencapai kemerdekaan selama 65 tahun.

Sehubungan itu, beliau mencadangkan satu inisiatif jangka masa panjang dan pendek perlu dilakukan membabitkan agensi kerajaan dan NGO daripada pelbagai latar belakang supaya menekankan elemen sejarah tanah air.

"Sejarah itu bukanlah hanya untuk kita ketahui, bukannya

hanya untuk dibaca dalam buku teks sejarah, tetapi sejarah itu perlu dihayati dan dijadikan teladan untuk sepanjang hayat dan dijadikan pedoman selamanya.

"Daripada sejarah itulah maka kita dapat memahami realiti sebenar tanah air ini bagaimana proses mendapatkan kemerdekaan, bagaimana proses membina negara bangsa Malaysia, daripada stihlah kita dapat membina identiti Keluarga Malaysia yang sebenar dan juga menjayakan Keluarga Malaysia Keluarga sejahtera.

"Untuk pelaksanaan modulnya bolehlah mencontohi atau merujuk seperti Program Latihan Khidmat Negara (PLKN) yang haruslah ditambah baik di mana dalam inisiatif tersebut para peserta atau mana-mana yang menyertainya boleh hidup secara bersama, hidup secara susah dalam sebuah keluarga besar.

"Maka di situlah persefahaman dan juga keharmonian dapat dijayakan," ujar Han Lin.

Beliau juga menyeru semua pihak mendukung bahasa Melayu supaya dapat dipertahankan sampai bila-bila kerana ia merupakan lambang identiti dan cerminan masyarakat di negara ini.

"Kalau bukan kita yang berada di sini untuk mendukung bahasa Melayu yang merupakan bahasa kebangsaan bangsa Malaysia, siapa lagi yang dapat mempertahankannya?" kata Han Lin.

Nabih Presiden 2 GAMIS, **Muhammad Rasydan Junuh** pula membangkitkan persoalan mengenai sejarah kaum di negara ini bersedia merealisasikan Keluarga Malaysia.

"Sebagai contoh, kalau di sekolah vernakular, kita ada silibus-silibus sejarah, bahasa Melayu dan sebagainya tetapi bagaimana dengan sekolah-sekolah persendirian Cina, sekolah persendirian India dan sebagainya, bagaimana penerapan silibus pendidikan di sekolah tersebut," soal Muhammad Rasydan.

Dalam lontarannya itu, beliau menekankan perpaduan bermula daripada didikan ibu bapa dari rumah yang mencorakkan pemikiran anak-anak.

Mewakili suara mahasiswa, Muhammad Rasydan berkata Institusi Pengajian Tinggi (IPT) juga perlu memainkan peranan untuk mencorakkan perpaduan dalam hasrat merealisasikan Keluarga Malaysia.

"Saya melihat peranan IPT itu untuk mengembeleng,"



Memupuk semangat perpaduan di kalangan ahli keluarganya sebagai satu perkara yang paling asas.